



Na osnovu člana 3. stav (1) Zakona o službi u OS BiH („Službeni glasnik BiH“ broj: 88/05, 53/07, 59/09, 74/10, 42/12, 41/16 i 38/18), a u skladu sa odredbama 16., 17. i 18. Pravilnika o školovanju kadeta i vojnih stipendista („Službeni glasnik BiH“, broj: 34/19), a u cilju odabira kandidata/kinje za školovanje na Vojnoj akademiji u inostranstvu, Ministarstvo odbrane Bosne i Hercegovine raspisuje,

J A V N I K O N K U R S
za školovanje kadeta na Vojnoj akademiji kopnene vojske West Point,
Sjedinjenih Američkih Država (SAD), za školsku 2025/2026. godinu

I – PREDMET KONKURSA

Ministarstvo odbrane Bosne i Hercegovine raspisuje javni konkurs za školovanje 6 (šest) kadeta na Vojnoj akademiji kopnene vojske West Point, SAD za školsku 2025/2026. godinu.

II – USLOVI KONKURSA

- 1. Opći uslovi** su propisani članom 9. Zakona o službi u Oružanim snagama BiH („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18):
 - a) da je državljanin Bosne i Hercegovine,
 - b) da je zdravstveno sposoban za službu u Oružanim snagama,
 - c) da nije osuđivan na безусловnu kaznu zatvora u trajanju dužem od šest mjeseci,
 - d) da nije prethodno otpušten iz državne službe ili pravnog lica zbog povrede službene dužnosti u posljednje tri godine,
 - e) da se protiv njega ne vodi krivični postupak za krivično djelo za koje se goni po službenoj dužnosti,
 - f) da mu pravosnažnom presudom nije zabranjeno obavljanje određenih djelatnosti, odnosno dužnosti za vrijeme trajanja takve zabrane,
 - g) da ima odgovarajuću stručnu spremu potrebnu za obavljanje određene dužnosti (uslov koji će biti ispunjen po završetku vojne akademije).

- 2. Posebni uslovi:**
 - a) završena srednja škola IV stepen, ili da trenutno pohađa IV razred srednje škole,
 - b) da je postigao/la ukupan uspjeh najmanje dobar, kao i da mu/joj je prosjek ocjena iz matematike i fizike ili hemije najmanje dobar,
 - c) kandidati/kinje koji trenutno pohađaju IV razred srednje škole, po završetku istog, a najkasnije do 13.06.2025.godine, moraju dostaviti ovjerene kopije svjedočanstva i diplome Sektoru za upravljanje personalom Ministarstva odbrane Bosne i Hercegovine,
 - d) kandidati/kinje koji trenutno pohađaju IV razred srednje škole, po završetku istog, moraju u svjedočanstvu imati minimalno isti prosjek ocjena iz svih predmeta kao i u svjedočanstvu o završenom trećem razredu koje su predali u dokumentima za prijavu

na javni konkurs. Ministarstvo odbrane BiH zadržava pravo na prekid postupka upućivanja kandidata/kinje za kadeta na školovanje ukoliko lice nema minimalno isti prosjek kao i na kraju trećeg razreda,

- e) da nije mlađi/a od 17 i stariji/a od 22 godine na dan 01.07.2025. godine,
- f) poznavanje engleskog jezika (na provjeri poznavanja engleskog jezika da postigne minimalno 80 bodova na testu ALCPT),
- g) poznavanje rada na računaru (Word, Excel, Power Point, Internet),
- h) fizička spremnost: kandidati/kinje moraju imati dobru fizičku spremnost, koja će biti provjerena kroz sljedeće discipline: trčanje 1600 m (1 milja), *shuttle* test (sprint), trbušnjaci, zgibovi, bacanje košarkaške lopte i sklekovi.

Napomene:

1. Kandidati/kinje prijavljeni na Javni konkurs proći će test fizičke spremnosti, test općeg znanja, test engleskog jezika, psiho test i intervju. Sigurnosnu provjeru za svakog uspješnog kandidata/kinju izvršit će nadležni sektor Ministarstva odbrane Bosne i Hercegovine, a zdravstveni pregled kandidata/kinja koji uspješno prođu testiranje obaviti će nadležna ustanova u organizaciji Ministarstva odbrane Bosne i Hercegovine.
2. Rangiranja kandidata/kinja vršit će se na osnovu kriterija koje će odobriti Ministar odbrane Bosne i Hercegovine i s kojima će biti upoznati kandidati/kinje koji budu pozvani na testiranja i provjere.
3. Testiranjima, provjerama i intervjuu sa kandidatima/kinjama pored komisije za izbor kandidata/kinja za školovanje kadeta Ministarstva odbrane Bosne i Hercegovine biće prisutni i predstavnici Ureda za saradnju iz oblasti odbrane (ODC) Ambasade Sjedinjenih Američkih Država u Bosni i Hercegovini.
4. Rang liste kandidata/kinja za prijem za školovanje kadete na Vojnoj akademiji kopnene vojske West Point, SAD, Ministarstvo odbrane Bosne i Hercegovine dostavlja Vojnoj akademiji kopnene vojske West Point, SAD preko Ureda za saradnju u oblasti odbrane (ODC) Ambasade Sjedinjenih Američkih Država u Bosni i Hercegovini, koje će izvršiti konačan izbor za kandidata za kadeta na Vojnoj akademiji kopnene vojske SAD.

3. Posebni uslovi prema kriterijima akademija u Sjedinjenim Američkim Državama

- a) položen Scholastic Aptitude Test (SAT) za Vojnu akademiju kopnene vojske SAD najkasnije do 10.03.2025. godine. (SAT kôd za Vojnu akademiju kopnene vojske SAD je 2924). Minimalan rezultat na testu je 606 za kategoriju „Verbal“ i 674 za predmet matematiku.
- b) položen test engleskog kao stranog jezika (TOEFL) za Vojnu akademiju kopnene vojske najkasnije do 10.03.2025. godine. Minimalni rezultat testa je 98/120. Sve informacije o polaganju TOEFL testa se mogu pronaći na web stranici: <http://www.ets.org>.
- c) provjeru fizičke spremnosti realizovat će Komisija Ministarstva odbrane Bosne i Hercegovine u saradnji sa Uredom za saradnju iz oblasti odbrane (ODC) Ambasade Sjedinjenih Američkih Država u Bosni i Hercegovini, po kriterijima propisanim od strane Vojne akademije kopnene vojske SAD. Sve informacije o kriterijima za polaganje testa fizičke spremnosti su navedene na web stranici: <http://westpoint.edu/admissions>.
- d) da kandidat/kinja posjeduje snažan potencijal za buduće vođe kroz aktivno učešće u vannastavnim aktivnostima i učestvovanje na školskim ili lokalnim sportskim takmičenjima,
- e) da kandidat/kinja nije oženjen/udata i da nema zakonsku obavezu izdržavanja djece.

Zdravstveni uslovi:

- a) da kandidat/kinja ne boluje od zaraznih oboljenja (HIV, TBC, hepatitis), kao i da ne boluje od astme i oboljenja srca,
- b) da ima odličan vid i da nema problema koji bi mogli predstavljati prepreku za treniranje boksa (deformacija rožnjače RK, PRK, laserska korekcija vida),
- c) da dobro podnosi velike vrućine i da nema sklonost ka dobijanju sunčаницe,
- d) da nije u drugom stanju,
- e) da nema zubnih oboljenja i/ili drugih stomatoloških problema koji bi mogli predstavljati prepreku u treniranju boksa,
- f) da nema povredu glave koja bi mogla predstavljati prepreku u treniranju boksa.

III – ŠKOLOVANJE, PRAVA I OBAVEZE

1. Školovanje kadeta na Vojnoj akademiji kopnene vojske West Point u SAD traje četiri godine, počevši od školske 2025/2026. godine.
2. Odabrani kandidat/kinja imat će status kadeta, čija će prava i obaveze biti regulisani u skladu sa članovima: 73., 142. i 143. Zakona o službi u Oružanim snagama Bosne i Hercegovine („Službeni glasnik BiH“, broj: 88/05, 53/07, 59/09, 74/10, 42/12, 41/16 i 38/18) i članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12).
3. Po završetku školovanja, kadet će biti primljen u profesionalnu službu u početnom činu oficira Oružanih snaga Bosne i Hercegovine - potporučnik, odgovarajućeg roda - službe.
4. Međusobne obaveze kandidata/kinje izabranog za školovanje na Vojnoj akademiji kopnene vojske, SAD i Ministarstva odbrane Bosne i Hercegovine regulišu se Ugovorom o školovanju.
5. Za vrijeme školovanja kadetu su osigurani smještaj i ishrana u internatu Vojne akademije.
6. Za vrijeme školovanja kadetima su osigurani troškovi školarine u skladu sa članom 29. Zakona o platama i naknadama u institucijama Bosne i Hercegovine („Službeni glasnik BiH“, broj: 50/08, 35/09, 75/09, 32/12 i 42/12).

IV– POTREBNI DOKUMENTI

- a) Prijava i lični (biografski) podaci (isključivo po obrascima ponuđenim na www.mod.gov.ba),
- b) Ovjerene kopije svjedočanstava svih završenih razreda srednje škole,
- c) Ovjerena kopija diplome četverogodišnje srednje škole (za lica koja su završila četvrti razred srednje škole),
- d) Potvrda o pohađanju četvrtog razreda (za lica koja pohađaju četvrti razred),
- e) Ukoliko je kandidat/kinja pohađao/la ili završio/la školu u inostranstvu potrebno je da dostavi ovjerenu kopiju nostrifikovane diplome ili ekvivalencije svjedočanstava razreda završenih u inostranstvu od strane nadležnog organa, original ili ovjerenu fotokopiju,
- f) Original ili ovjerena kopija Uvjerenja o državljanstvu, ne starije od šest mjeseci,
- g) Original ili ovjerena kopija Izvoda iz matične knjige rođenih na novom obrascu, ne stariji od 6 (šest) mjeseci,
- h) Original ili ovjerena kopija Uvjerenja da se ne vodi krivični postupak, niti da je potvrđena optužnica, ne starije od tri mjeseca od dana izdavanja od strane nadležnog suda (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),

- i) Izjava kandidata/kinje da u posljednje 3 (tri) godine nije otpušten/a sa posla zbog povrede službene dužnosti ovjerena kod nadležnog općinskog organa (isključivo po obrascu ponuđenom na www.mod.gov.ba),
- j) Original ili ovjerena kopija dokaza o prebivalištu (CIPS), izdat od strane nadležnog organa, ne stariji od tri mjeseca od dana izdavanja (ovjerena kopija ne može biti starija od naznačenog roka, pri čemu se navedeni rok računa od dana izdavanja od strane nadležnog organa, a ne od dana ovjeravanja kopije istog),
- k) Dokaz o poznavanju rada na računaru (za kandidate/kinje koji tokom srednje škole nisu imali predmet informatika),
- l) Ovjerena izjava od podnosioca prijave da nema zakonsku obavezu izdržavanja djece,
- m) Dokaze o položenim SAT i TOEFL testovima (najkasnije do 10.03.2025. godine dostaviti printanu verziju rezultata, koji su dostavljeni na email lica koje je polagalo test predsjedniku Komisije za izbor kandidata/kinje za kadeta Ministarstva odbrane Bosne i Hercegovine ili prilikom prijave na konkurs ukoliko lice ima položene testove SAT i TOEFL). Ukoliko kandidat/kinja ne dostavi dokaze o položenim SAT i TOEFL testovima, Komisija Ministarstva odbrane Bosne i Hercegovine, u saradnji sa Uredom za saradnju iz oblasti odbrane (ODC) Ambasade Sjedinjenih Američkih Država u Bosni i Hercegovini, će organizirati testiranja u cilju ispunjavanja traženih uslova konkursa,
- n) Ukoliko je kandidat/kinja učestvovao na školskim ili lokalnim sportskim takmičenjima potrebno je da dostavi ovjerenu fotokopiju priznanja,
- o) Saglasnost za obradu biografskih podataka/informacija za potrebe procesa konkurisanja na vojnu akademiju (isključivo po obrascu ponuđenom na www.mod.gov.ba).

Napomene:

1. Konkursna dokumentacija će se vraćati kandidatima/kinjama na lični zahtjev u roku od 30 dana od donošenja konačne odluke Ministra o izboru kandidata/kandidatkinje za školovanje.
2. Prevod dokumenata pod b), c), f) i l) na engleski jezik će dostaviti kandidati/kinje koji uspješno završe testiranja i provjere predsjedniku Komisije za izbor kandidata za prijem kadeta Ministarstvu odbrane Bosne i Hercegovine), a na jednom od službenih jezika moraju biti predati do datuma određenog Javnim konkursom za predaju dokumenata.

V – ODABIR KANDIDATA

Odabir kandidata izvršit će Komisija koju će formirati Ministar odbrane Bosne i Hercegovine.

Testiranju kandidata mogu prisustvovati ovlaštena lica države prijema po njihovom zahtjevu.

VI – PRIJAVA NA JAVNI KONKURS

Sve tražene dokumente treba dostaviti preporučeno putem poštanske službe na adresu:

Ministarstvo odbrane Bosne i Hercegovine

Ul. Hamdije Kreševljakovića 98

71 000 Sarajevo

Sa naznakom: „**Javni konkurs za školovanje kadeta na Vojnoj akademiji kopnene vojske Oružanih snaga Sjedinjenih Američkih Država (SAD)**“.

Konkurs ostaje otvoren 8 (osam) dana od dana objavljivanja. Ispunjavanje uslova utvrđenih ovim Javnim konkursom računa se danom predaje prijave.

Nepotpune, neblagovremene i neuredne prijave, prijave kandidata koji ne ispunjavaju uslove ovog Javnog konkursa, kao i kopije tražene dokumentacije koje nisu ovjerene, neće se uzimati u razmatranje. Ukoliko u prijavi i dokumentaciji postoje formalni nedostaci (nepotpuna i neuredna prijava i dokumentacija) lice se poziva da u roku od 5 (pet) dana ispravi navedene formalne nedostatke i dostavi potrebnu dokumentaciju, u skladu sa Zakonom o upravnom postupku.

Broj: 10-33-2-2561-24/24
Sarajevo, 16.12.2024. godine

MINISTAR

Zukan Helez